

'NA CIESA A VAGO CHE SE DE VEDE POCHE

El Vago che fa parte de Lavagno,
con pòchi abitanti sempre fiduciosi,
ne l'operosità i trova el guadagno,
siòri e pitòchi sempre generosi.

Ghèra 'na Ciésa vécia e scantonàda,
che la sognàa de védarde una nòva;
la vita qua lè come in 'na contrada,
e un sàco de milioni ci le trova?

Ma el pàroco Roberto Lonardoni,
ch'el crede in la Divina Providénsa,
no là pensàdo tanto a quei soldoni,
lè par trovarli che ghe vol pasiénsa.

La Ciésa adesso lù el te là finìa,
béla de fòra e drénto lè un incanto;
quando te preghi, no te andaréssi via,
par i Vaghési, la Ciésa lè el so vanto.

Ne la so piàssa è sorto un monumento,
con le figure de 'na màma sposa;
ognuno el ghe rivolge un sentimento,
e 'na preghiera eterna a ci riposa.

El cavalier Chiaffoni e i Combaténti,
con don Roberto indomito e leale,
par farlo tirar su i à stréto i denti,
ma el plauso citadìn lè stà totale.

E l'opera, par ricordàr 'na Croce,
lè sigilà col timbro de 'na voce.